

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

ENPLEGUA, MERKATARITZA, TURISMOA ETA FORU ADMINISTRAZIOAREN SAILA

Foru Agindua 130/2024 apirilaren 8a. Arabako eskulangintza sektorearen jarduerarako laguntzen deialdia onestea 2024ko ekitaldirako

Enplegu, Merkataritza eta Turismo Sustapenaren zuzendaritzak, bere eskumenen eremuan, enplegua sortzea, prestakuntza, turismo sustapena eta merkataritza eta eskulangintza bultzatzea helburu duten ekintzak eta ekimenak gauzatzen ditu, hori dena Arabako Lurralde Historikoan jardura ekonomikoa pizteko.

Abenduaren 31ko 51/2013 Foru Dekretuaren bidez, Arabako eskulangintza sektorea arautu zen eta xedatu zen dirulaguntzak eman ahal izango zaizkiela eskulangileei edota eskulangintza enpresei haien egitura nahiz errentagarritasun, kudeaketa edo lehiakortasuneko baldintzak hobetzeko jardueretarako.

Arabako Foru Aldundiko Enplegu, Merkataritza, Turismo eta Foru Administrazioaren Sailak era integral eta dinamikoan ulertzen du eskulangintza, hots, sorkuntza, ekoizpena eta banaketa garatu behar dituen jardura gisa, bai tradiziozko, bai gaur egungo ikuspegian, ekonomia, gizarte eta kultura balioak bateratuz. Gainera, sail horrek eta sektoreak berak konpromisoa dute haren ikusgaitasuna sustatzeko, profesionaltasun, prestigio eta kalitatezko ingurune batean kokatzeko, eta haren bideragarritasun ekonomikoa garatzeko.

Bestalde, Arabako Foru Aldundiaren jardun estrategikoetako bat da eskulangintza sektoreko inbertsio eta salmentetarako laguntza ematea.

Horretarako, 51/2013 Foru Dekretuaren 6. artikulua aplikatuz eta sailaren helburuak betetzeko, Arabako Foru Aldundiko Enplegu, Merkataritza, Turismo eta Foru Administrazioaren Sailak uste du komenigarria dela Arabako eskulangintza sektoreak inbertsioak egiteko laguntzen deialdia egitea une honetan. Programa hau ez da jardura bakartu bat, baizik eta ekonomia sustatzeko Arabako Lurralde Historikoaren politikaren esparruan kokatua.

Horregatik, dagozkidan ahalmenak erabiliz, hau

XEDATZEN DUT

Lehenengoa.- Onestea Arabako eskulangintza sektorearen jarduerarako laguntzen deialdi publikoa 2024ko ekitaldirako, zeina foru agindu honi atxikitzen baitzaio.

Bigarrena.- Deialdia arautu da kontuan hartuta Enplegu, Merkataritza eta Turismo Sustapenaren Zuzendaritzaren eskumenen esparruan ematen diren dirulaguntzen oinarri arautzaile orokorrak (49/2019 Foru Dekretua, azaroaren 12ko Foru Gobernu Kontseiluarena), bai eta foru agindu honen eranskinean ezarritakoa ere.

Hirugarrena.- Foru agindu honek arautzen dituen dirulaguntzak Arabako Foru Aldundiaren 2024ra luzatutako 2023ko aurrekontuko 30502. G/439300/47900302 partidaren kontura ordainduko dira, zeina 31.678,00 euroko zenbatekoaz horniturik baitago.

Laugarrena.- Bat etorri Administrazio Publikoen Administrazio Prozedura Erkidearen urriaren 1eko 39/2015 Legeak 123. artikuluan xedatutakoarekin, administrazio bidea agortzen duen ebazpen honen aurka aukerako berraztertze errekurtsoa aurkez dakioko Enplegu, Merkataritza, Turismo eta Foru Administrazioaren Saileko foru diputatuari, egintza hau argitaratu eta hurrengo

egunetik hilabete igaro baino lehen, edo, bestela, zuzenean aurkaratu daiteke Vitoria-Gasteizko Administrazioarekiko Auzietarako Epaitegiaren aurrean, egintza hau argitaratu ondorengo egunetik bi hilabete igaro baino lehen.

Bosgarrena.- Deialdi hau ALHAOn argitaratuko da, eta argitaratu eta hurrengo egunetik aurrera izango ditu ondorioak.

Vitoria-Gasteiz, 2024ko apirilaren 8a

Enplegu, Merkataritza, Turismo eta Foru Administrazioaren Saileko foru diputatua
CRISTINA GONZÁLEZ CALVAR

Enplegu, Merkataritza eta Turismo Sustapenaren zuzendaria
JUAN FELIPE GARCÍA MIRAVALLES

ERANSKINA

ARABAKO ESKULANGINTZA SEKTOREAREN JARDUERARAKO LAGUNTZEN 2024KO DEIALDIA

1. artikulua. Xedea

Deialdi honen helburua da Arabako eskulangintza sektoreari laguntzea eta haren ekoizpen jarduera bultzatzea, norgehiagoka bidezko dirulaguntzak emanez.

2. artikulua. Aurrekontu partida eta gehieneko zenbateko osoa

Foru agindu honek arautzen dituen dirulaguntzak Arabako Foru Aldundiaren 2024ra luzatutako 2023ko aurrekontuko 30502G/439300/47900302 partidaren kontura ordainduko dira, zeina 31.678,00 euroko zenbatekoaz horniturik baitago.

Deialdi honetarako zehaztutako aurrekontu partidaren hasierako hornidura hasierako aurrekontuaren ehuneko 100 handitu ahal izango da, gehienez, aurrekontu transferentzia egokien bitartez, baldin eta Enplegu, Merkataritza eta Turismo Sustapenaren zuzendaritzaren beste partida batzuetan gerakinik badago.

3. artikulua. Onuradunak

3.1. Eskulangile, eskulangintzako enpresa eta elkarte eta sektorea ordezkatzeko gainerako erakunde guztiak, baldin eta frogatzen badute Arabako Lurralde Historikoan erroldatuta daudela edo bertan dutela zerga egoitza eta, beranduenik 2024ko urtarrilaren 1az geroztik Arabako eskulangintza erregistro orokorrean izena emanda badaude, edo bestela, egun horretan hasita badute bertan alta eskatzeko prozesua, eta eskaera horri ezezkorik eman ez bazaio laguntza lerro honetara eskaerak aurkezteko epea amaitzen denean.

3.2. Onartzeko prozesuan edo funtzionamenduan sexuagatik bereizkeria eragiten duten pertsonak edo erakundeak ezin dira izan onuradunak, hala xedatzen baitu EAEko emakumeen eta gizonen berdintasunerako eta emakumeen aurkako indarkeria matxistarik gabe bizitzeko legearen testu bategina onartzen duen martxoaren 16ko 1/2023 Legegintzako Dekretuak 23.2 artikuluan.

Halaber, ezingo dute parte hartu, kasuan kasuko zigorrak ezarritako epean, sexua dela eta bereizkeria egiteagatik administrazio zehapena edo zehapen penala jaso duten pertsona fisiko edo juridikoek, ez eta emakumeen eta gizonen berdintasunerako eta emakumeen aurkako indarkeria matxistarik gabe bizitzeko legearen testu bategina onesten duen EAEko martxoaren 16ko 1/2023 Legegintzako Dekretua dela bide debeku horrekin zehatutakoek ere.

3.3. Onuradun guztiek Araban izan beharko dute zerga egoitza eta zerga betebeharrak eta Gizarte Segurantzarekikoak egunean eduki beharko dituzte, bai dirulaguntza emateko ebazpena hartzeko garaian, bai dirulaguntza ordaintzeko garaian.

Enpresen kasuan, Gizarte Segurantzako inolako erregimenetan kotizazio kontuaren koderik esleituta ez badute, enpresako bazkide guztiek Gizarte Segurantzarekin egunean egon beharko dute.

3.4. Berariaz baztertuta geratzen dira 2024ko ekitaldirako Arabako Foru Aldundiaren aurrekontuan Enplegu, Merkataritza eta Turismo Sustapenaren zuzendaritzaren dirulaguntza izendun bat jaso duten eskatzaileak, baldin eta haren xedea bat badator dirulaguntzaren xedearekin, bai eta haiekin elkartutakoak ere, adjudikazioaren unean hitzarmena sinatuta izan edo ez; baztertuta geratzen dira, halaber, laguntza lerro honen aurreko deialdietan emandako beste dirulaguntza batzuk epe barruan egin edo justifikatu ez dituztenak, salbu eta Enplegu, Merkataritza eta Turismo Sustapenaren Zerbitzuaren iritziz ez-betetze horren arrazoiak behar bezala justifikatu badira.

4. artikulua. Diruz lagundu daitezkeen gastuak

4.1. Honako gastu hauek diruz lagungarritzat joko dira baldin ezarritako epean egiten badira:

1) Prestakuntza ikastaroetako matrikularen kostua, ikastaroa egiteko ezinbesteko material didaktikorako gastuak barne.

Diruz laguntzekoak izan daitezzen, zuzeneko eragina izan beharko dute onuradunaren eta haren langileen enpresa jardueraren hobekuntzan; inguruabar horrek Enplegu, Merkataritza eta Turismo Sustapenaren zerbitzuaren iritziz behar adina justifikatuta egon beharko du.

2) Sustapenerako materialak argitaratu eta prestatzea, esaterako katalogoak, liburuxkak, txartel profesionalak edo antzekoak. Kanpoan utziko dira artisautzako produktuari edo lantegiari ez dagozkion publizitate edo sustapen material guztiak.

3) Artisau produktuen etiketak eta artisau tailerren identifikazio plakak diseinatzeko eta inprimatzeko kostuak.

4) Web orriak ezartzea eta birdiseinatzea, jarduera lerro horretan diseinatzeko, sortzeko, itzultzeko eta domeinua kontratatzeko hasierako gastuak eta lineako salmentara egokitzekoak ere sartuta. Mantentze gastuak eta gisakoak ez dira diruz laguntzekoak.

5) Eskulangintza azoketan edo antzeko lehiaketetan (arte galeriak, nazioarteko erakusketak...) parte hartzea, Arabako Lurralde Historikoaren barruan nahiz kanpoan, izena emateko, tokia alokatzeko, stand muntatzeko, materiala bidaltzeko eta standaren elektrizitate kontsumoko gastuak barne.

Atzerrian gertatzen diren azoken eta antzekoen kasuan, ostatuko gastuek ere jasoko dute dirulaguntza benetan gastatu eta frogatutako zenbatekoa kontuan hartuta. Haren zenbatekoa ezin da izan, kasu honetan, gaueko 80,00 eurotik gorakoa EB barruan eta 100,00 eurotik gorakoa ekintza EBren eremu geografikotik kanpo egiten bada eta azokak/lehiaketak dirauen egunetan baino ez (azoka hasten den egunaren aurreko gaua eta amaitzen den eguneko gaua barne). Halaber, kasu horretan, joan-etorriko gastuek ere jasoko dute dirulaguntza benetan gastatu eta frogatutako zenbatekoagatik, joan-etorriko dirulaguntzaren zenbatekoa ezin izango da 300,00 euro baino handiagoa izan azoka bakoitzeko.

Gastuek ez dute dirulaguntzarik jasoko, besteak beste, kasu hauetakoren bati badagokie:

- Kanpo garraioaren elementuak.
- Altzariak.
- Web ostatatze edo hosting-a eta mantentze kostuak.
- Finantza gastuak.

– BEZa eta gainerako zeharkako zergak, salbu onuradunak konpentsatu edo berreskuratu ezin baditzake.

– Pertsona edo entitate eskatzaileari lotutako enpresa edo pertsonen bitartez egindako gastuak.

– Aldizkako gastuak eta/edo errepikatzen direnak nahiz kuota mota oro (Internetera sartzeko kuotak, elkarteei ordaindutako kuotak, aldizkako informazio buletinak...).

– Lokala egokitzeko materialen gastuak.

– Dirulaguntza jaso behar duen jarduerari zalantzarik gabe lotu ezin zaizkion gastuak edota deialdian xedatutako epean egiten ez direnak.

Enplegu, Merkataritza eta Turismo Sustapenaren Zerbitzuak uste badu gastuen aurrekontua gehiegizkoa dela antzeko gastuen batez besteko kostuaren aldean, diruz lagundu daitekeen oinarria murriztu ahal izango du, gastuentzako zenbateko egoki eta proportzionalera arte.

4.2. Diruz lagundu daitekeen aurrekontuaren ehuneko 100 arteko azpikontratazioa egitea baimentzen da, baina Arabako Lurralde Historikoaren Dirulaguntzen urriaren 19ko 11/2016 Foru Arauaren 27. artikuluan xedatutako betekizunak bete beharko dira.

4.3. Proiektu beraren barruan Enplegu, Merkataritza eta Turismo Sustapenaren zerbitzuaren ustez Arabako eskulangintza sektoreari laguntzen eta/edo haren ekoizpen jarduera bultzatzen edo lehiakortasuna hobetzen behar beste laguntzen ez duten jarduerak baleude, kanpoan utzi ahal izango dira adjudikatu behar den dirulaguntza kalkulatzeko.

5. artikulua. Aplikazio eremua eta jarduerak gauzatzeko epealdia

5.1. Deialdi honetako onuradun gertatzen direnek laguntza jasotzen duten jardueren emaitzak Arabako Lurralde Historikoan ezarri beharko dituzte.

Diruz lagungarriak izango dira:

– 2024. urtean hasitako jardueretatik 2024ko abenduaren 5era arte osorik gauzatzen direnak, egun hori barne.

– 2023ko azken hiruhilekoan hasitako jardueretatik, onuradunak 2024an edo 2023ko azken hiruhilekoan ordaintzen dituenak, programa honetan bertan eta urte berean diruz lagundu ez diren proiektuetan, eta 2024ko abenduaren 5era arte (egun hori barne) egiten direnak, baldin eta ez badira diruz lagundu lehenagoko deialdietan.

– 2023ko azken hiruhilekoan egindako azoketan parte hartzea ere diruz lagundu ahal izango da, ordainketa lehenago egin den arren, aurrerakin moduan, eta betiere aurreko deialdietan ez badute dirulaguntzarik jaso.

6. artikulua. Laguntzen zenbatekoak eta mugak

6.1. Foru agindu honetan jasotzen diren laguntzak diruz lagundu daitekeen aurrekontuaren ehuneko 70raino iritsiko dira (ikus Foru Gobernu Kontseiluaren 49/2019 Foru Dekretua, azaroaren 12koa, 7.3 oinarri orokorra).

Foru agindu honen babesean egindako eskaerei dagokien dirulaguntza kalkulatzeko deialdi honen eranskin gisa ageri diren gehieneko muga absolutuak hartu beharko dira kontuan.

6.2. Nolanahi ere, dirulaguntza gehienez 4.500,00 eurokoa izango da onuraduneko, baldin eta deialdi honen 3. artikuluan ezarritako betekizunak betetzen baditu.

6.3. Laguntza eskatzen duen pertsona Enplegu, Merkataritza eta Turismo zuzendaritzaren beste laguntza programa batzuetan laguntza baten onuraduna izan bada programa honen kontura onartutako proiektuen antzeko beste batzuetarako, dirulaguntzarako onartzen den oinarria egokitu da araudi honetan ezartzen den gehieneko dirulaguntza ez gairatzeko.

6.4. Eskaerak dirulaguntza jaso ahal izan dezan, proposatutako dirulaguntzaren gutxieneko zenbateko hau ezartzen da, esleipena egiten den unerako: 200,00 euro.

7. artikulua. Prozedura bideratzeko eskumena duten organoak

7.1. Prozedura Enplegu, Merkataritza eta Turismo Sustapenaren zerbitzuak bideratuko du.

7.2. Balorazio batzordea honela eratuta egongo da:

– Lehendakaria: Enplegu, Merkataritza eta Turismo Sustapenaren zuzendaria edo berak eskuordetzen duen pertsona.

– Batzordekideak: Enplegu, Merkataritza eta Turismo Sustapenaren zerbitzuaren burua edo hark eskuordetzen duen pertsona.

– Idazkaria: Enplegu, Merkataritza eta Turismo Sustapenaren zerbitzuko teknikari bat.

8. artikulua. Eskaerak aurkezteko epea eta modua

8.1. Eskaerak toki hauetan aurkeztuko dira:

– Arabako Foru Aldundiaren Erregistro Orokorra.

– Vitoria-Gasteizko, Guardiako eta Laudioko Ogasun bulegoen erregistroa.

– Administrazio Publikoen Administrazio Prozedura Erkidearen urriaren 1eko 39/2015 Legeak 16.4 artikuluan ezarritako gainerako erregistroetatik edozein.

Hala ere, Administrazio Publikoen Administrazio Prozedura Erkidearen 39/2015 Legearen 14.2 artikulua betez, honako hauek, egoitza elektronikoen bidez (<https://egoitza.araba.eus/eu/-/pr-ayudas-a-la-actividad-del-sector-artesano-alaves>), zapide zehatzaren bitartez telematikoki aurkeztera behartuta daude: pertsona juridikoak, nortasun juridikorik gabeko erakundeak, elkargoko kide izatea nahitaezkoa duen jarduera profesional batean dihardutenak, jarduera horretan egiten dituzten izapideetarako, eta administrazioarekiko harremana elektronikoki izatera behartuta dagoen interesdun bat ordezkatzeko dutenak.

AFAREN egoitza elektronikoen zerbitzuak erabiltzeko, nahitaezkoa da modu telematikoan identifikatzea, ziurtagiri elektronikoen baten edo BAKQ sistemaren bidez, hemen: <https://egoitza.araba.eus/eu/egoitza-elektronikoa/ezagutu-egoitza/nola-sartu>.

Eskaerak eskatzailearen ordezkari batek ere aurkeztu ahal izango ditu, baldin eta aurrez izapide hori gauzatzeko beharrezko baimen maila ezarri bada egoitza elektronikoen: <https://egoitza.araba.eus/eu/egoitza-elektronikoa/baimenak>.

8.2. Eskaerak aurkezteko epea laguntza hauek argitaratu ondorengo egunean hasi eta 2024ko maiatzaren 24an, 14:00etan, amaituko da.

8.3. Pertsona eskatzaileek egoitza elektronikoen zehaztutako eskaera inprimakia bete beharko dute eta honako agiri hauek erantsi:

1. IFZ, eskulangintza enpresen eta elkarten eta sektorea ordezkatzeko duten gainerako erakundeen kasuan, edo NANA, gainerako kasuetan.

2. Arabako Lurralde Historikoan erroldatuta egotearen ziurtagiria.

3. Eskatutako dirulaguntzaren xede diren jarduerak deskribatzeko memoria. Bertan datu hauek jarriko dira, besteak beste:

– Azoketan parte hartzeko jardueretarako: azoka bakoitzaren izena eta egingo den tokia eta data.

– Prestakuntza jardueretarako: prestakuntza jardueraren izena eta edukia, zentro antolatzailerak, lekua, egunak eta iraupena.

4. Laguntzen xede diren jarduketari dagozkien eskaintzak eta/edo aurrekontuak eta/edo fakturak. Aurkeztutako inbertsio/jarduera batek kontratu txikien muga gainditzen badu (15.000,00 euro), ondasuna sartu baino lehen eskatutako 3 eskaintzen fotokopiak erantsi beharko dira, eta zer eskaintza hautatu den eta zergatik azaldu beharko da.

8.4. Pertsona fisiko edo juridiko eskatzaileak baliozkotzat joko ditu Enplegu, Merkataritza eta Turismo Sustapenaren zuzendaritzak laguntza eskaeraren eredian identifikatutako harremantarako pertsonaren helbide elektronikora bidalitako jakinarazpen guztiak.

8.5. Aplikatzekoa den araudiaren arabera, Arabako Foru Aldundiko Enplegu, Merkataritza eta Turismo Sustapenaren zuzendaritzak ofizioz egiaztatuko ditu honako datu hauek administrazio eskudunean:

- Zerga betebeharrak egunean izateari buruzko informazioa,
- Gizarte Segurantzarekiko betebeharrak egunean izateari buruzko informazioa,
- Eskatzailearen zerga egoitzari buruzko informazioa,
- Ogasunean Pertsona Fisikoen Errentaren gaineko Zergaren kontura egin behar diren atxikipenen zenbatekoa ordaindu den ala ez jakiteko informazioa (profesionalek jaulkitako fakturen kasuan soilik).

Eskatzaileak ofiziozko egiaztapen horren aurka egin ahal izango du. Hala eginez gero, eskatzaileak betebeharrak horiek bete dituela egiaztatzen duten agiri guztiak aurkeztu beharko ditu laguntza eskatzean.

9. artikulua. Dirulaguntzak emateko irizpide objektiboak

9.1. Irizpide objektibo hauek erabiliko dira, azkenean onartzen diren eskaeretatik dirulaguntza zeintzuei emango zaien erabakitzeko:

1) Enpresaren lehiakortasuna hobetzea.

Irizpide hau ebaluatzerakoan kontuan hartuko dira honako emaitza hauek ahalbidetzen dituzten jarduketak: produktuaren berrikuntza; bereizketa; kalitatea areagotzea eta enpresaren kudeaketan eta IKTen erabileran hobekuntzak egitea; irudia, marka, komunikazioa eta bezeroentzako arreta hobetzea; merkatuak handitzea; Arabako eskulangintza beste merkatu batzuetan hedatzea...

Alde handirik ez duten espediente guztiei puntu berak emango zaizkie. Haiei 6 puntu osagarri gehituko zaizkie beste merkatu batzuen (esaterako, azokak) irekiera dakarren jarduera bakoitzeko eta beste 6 puntu osagarri irudia, marka eta bezeroari eskainitako komunikazioa hobetzen duen jarduerako, alegia, besteak beste, web orria sortu, berritu edo hobetzeagatik eta sustapen materiala egiteagatik. Enplegu, Merkataritza eta Turismo Sustapenaren zerbitzuaren iritziz, espedienteren batek besteetatik nabarmentzen duen alderdiren edo irizpideren bat balu, aparteko 5 puntu jaso ahal izango lituzke alderdi edo irizpide horrengatik, baldin eta alderdi hori dela-eta lortutako puntuazioak gainditzen ez badu 9.1 artikuluko honen bukaeran zehaztutako gehienekoa.

2) Enpresaren konpromisoa artisautzako jarduerari eusteko.

Irizpide hau ebaluatzerakoan kontuan hartuko dira honako inguruabar hauek: enpresa berriak abian jartzea, bokazio berriak sustatzea, galtzeko zorian edo oso murriztuta dauden eskulangintzako jarduerari eustea, etengabeko prestakuntza...

Puntu guztiak emango zaizkie beren txostenetan prestakuntza jasotzen duten eskaerei. Bekak ere prestakuntza izango dira. Gainerakoei 15 puntu emango zaizkie.

3) Justifikatutako ehunekoa (zenbateko onartua), eskatzaileak onuradun gertatu zen laguntza lerro honen azken deialdian esleitutako zenbatekoari dagokionez.

Irizpide hori honela ebaluatuko da:

- Ehuneko 85 edo gehiagoko justifikazioa edo alde zuzenetik dirulaguntzarik jaso ez izatea, 20 puntu.

- Ehuneko 75 edo gehiagoko eta ehuneko 85etik beherako justifikazioa, 15 puntu.
- Ehuneko 50 edo gehiagoko eta ehuneko 75etik beherako justifikazioa, 10 puntu.
- Ehuneko 50etik beherako justifikazioa, 0 puntu.

4) Laguntza eskaeraren xede diren ekintzen azalpen memoria eta eskaera bera argiak, zehatzak eta behar bestekoak izatea, eta, halaber, hura aztertze behar den dokumentazio guztia sartzea bertan, hasiera-hasieratik.

Irizpide hori honela ebaluatuko da:

- Eskaera aurkezteko unean osorik aurkeztutako eskaerak: 15 puntu.
- Lehen dokumentazio errekerimendu baten ondoren osorik aurkeztutako eskaerak: 10 puntu.
- Aurkeztutako gainerako eskaerak: 0 puntu.

5) Proiektuaren eraginaren zenbaterainokoa.

Irizpide hori baloratzeko, proiektuari lotutako fakturazioaren gehikuntza hartuko da kontuan.

5 puntu emango zaizkie webgunea sortu, berritu edo hobetzea jasotzen duten eskaerei, eta 3 puntu gainerakoei.

Irizpide horiek honela haztatuko dira:

- 1. irizpidea: 32 puntu gehienez, eta 8 puntu gehiago lortu ahal izango dira jarduera lurralde nazionaletik kanpo gauzatzen bada.
- 2. irizpidea: 20 puntu, gehienez.
- 3. irizpidea: 20 puntu, gehienez.
- 4. irizpidea: 15 puntu, gehienez.
- 5. irizpidea: 5 puntu, gehienez.

9.2. Onuradunak hautatzeko eta bakoitzari dagokion zenbatekoa zehazteko, Foru Gobernu Kontseiluaren azaroaren 12ko 49/2019 Foru Dekretuaren zazpigarren oinarrian ezarritakoari jarraituko zaio.

10. artikulua. Ebazteko eta jakinarazteko epealdia

10.1. Organo eskudunak, balorazio batzordearen proposamenez, bidezko deritzon ebazpena emango du. Administrazio Publikoen Administrazio Prozedura Erkidearen urriaren 1eko 39/2015 Legeak 21. artikuluan xedatutakoaren ondorioetarako, gehienez sei hilabeteko epea izango da prozeduraren ebazpena eman eta jakinarazteko, eskaerak aurkezteko epea bukatzen denetik aurrera. Epealdi hori igaro eta esanbidezko ebazpenik eman eta jakinarazten ez bada, eskaera ezetsi dela esan nahi du, halaxe xedatzen baitu Dirulaguntzen azaroaren 17ko 38/2003 Lege Orokorrak 25.5 artikuluan.

10.2. Ebazpen horiek, ahal dela, baliabide elektronikoen bitartez jakinaraziko dira, eta ezi-nezkoa bada, gutun ziurtatuaren bidez, Administrazio Publikoen Prozedura Erkidearen urriaren 1eko 39/2015 Legearen 41. eta 42. artikuluetan xedatutakoa aintzat hartuz.

10.3. Jakinarazitako ebazpen horrek administrazio bidea agortzen du, baina, Administrazio Prozedura Erkidearen urriaren 1eko 39/2015 Legearen 123. artikulua xedatzen duenaren arabera, aukerako berraztertze errekurtsoa aurkeztu dakioko Foru Gobernu Kontseiluari, egintza jakinarazi ondorengo egunean hasi eta hilabete igaro baino lehen, edo, bestela, zuzenean aurkaratu daiteke Vitoria-Gasteizko Administrazioarekiko Auzietarako Epaitegien aurrean, egintza jakinarazi ondorengo egunean hasi eta bi hilabete igaro baino lehen.

11. artikulua. Dirulaguntzak justifikatzea eta ordaintzea

11.1. Dirulaguntzen likidazioa administrazio ebazpenean agindu bezala gauzatuko da, bertan zehazten diren betekizun eta baldintzak bete ondoren.

11.2. Dirulaguntzak toki hauetan justifikatu behar dira:

- Arabako Foru Aldundiaren erregistro orokorra.
- Vitoria-Gasteizko, Guardiako eta Laudioko Ogasun bulegoen erregistroa.
- Administrazio Publikoen Administrazio Prozedura Erkidearen urriaren 1eko 39/2015 Legeak 16.4 artikuluan ezarritako gainerako erregistroetatik edozein.

Edonola ere, Administrazio Publikoen Administrazio Prozedura Erkidearen 39/2015 Legearen 14.2 artikulua betez, honako hauek egoitza elektronikoen berariazko izapidearen bidez (<https://egoitza.araba.eus/eu/-/pr-ayudas-a-la-actividad-del-sector-artesano-alaves>) telematikoki aurkeztera behartuta daude: pertsona juridikoak; nortasun juridikorik gabeko erakundeak; elkargoko kide izatea nahitaezkoa duen jarduera profesional bat ean dihardutenak, jarduera horretan egiten dituzten izapideetarako, eta administrazioarekiko harremana elektronikoki izatera behartuta dagoen interesdun bat ordezkatzeko dutenak.

Dirulaguntzaren justifikazio gisa elektronikoki aurkeztutako dokumentuek bat etorri beharko dute interesdunaren esku egongo den jatorrizkoarekin, eta Enplegu, Merkataritza eta Turismo Sustapenaren zerbitzuaren eskura jarri beharko ditu hala eskatzen zaionean.

Bat etorritik Administrazio Publikoen Administrazio Prozedura Erkidearen urriaren 1eko 39/2015 Legeak 28.7 artikuluan ezarritakoarekin, erakunde onuradunak du dokumentazioa egiazkoa izatearen ardura.

11.3. Arabako Foru Aldundiak dirulaguntzaren zenbateko justifikatua ordaintzeko betebeharra onar dezan, onuradunak dokumentazio hau aurkeztu beharko du 2024ko abenduaren 5ean amaituko den epean (egun hori barne):

- Azkenean benetan egin diren jardueren memoria.
- Fakturak eta gainerako frogagiri baliokideak.
- Hiru eskaintzak eta, eskaintzarik merkeena aukeratu ez bada, horren arrazoiak azaltzen dituen justifikazio txostena (bakar-bakarrik partidaren batek eskaera egiteko garaian hiru eskaintza aurkeztera behartzen ez bazuen eta geroago benetako gastuak ezarritako 15.000,00 euroko mugara heldu edo hortik gorakoak izan badira).
- Hauei buruzko informazioa jasotzen duen erantzukizunpeko adierazpena:
 - a) Aurkeztutako datuak egiazkoak direla eta aurkeztutako kopia bat datozela jatorrizko dokumentuekin.
 - b) Dirulaguntza honetaz gainera, hemen diruz lagundutako kontzeptuetarako beste diru sarrera edo dirulaguntza batzuk lortu diren. Baiezkoa bada, diru sarrera horien justifikazioa aurkeztuko da, zenbatekoa eta jatorria adierazita.

Faktura elektronikoa aurkeztuz gero, Factura-e motako estandarren arabera izan beharko da haien formatua. Elektronikoki izenpetutako beste edozein agiri aurkeztu behar izanez gero, onartuko dira konfiantzazko zerbitzu elektronikoen kualifikatuen emaileen konfiantzazko zerrendan jasotako ziurtagiriak (<http://sede.minetur.gob.es/Prestadores>).

Profesionalek luzatutako fakturen kasuan, erakunde onuradunak Pertsona Fisikoen Errentaren gaineko Zergaren kontura egin behar diren atxikipenen zenbatekoa ordaindu beharko du. Kasu horretan, justifikatu beharreko ordainketaren betebeharra onartuko da, eta Arabako Foru Aldundiaren ardura izango da ordainketa horiek egiaztatu eta dagokion justifikazio txostena ematea. Dirulaguntza ordaindu bada eta, egiaztapena egin ondoren ikusten bada dagozkion atxikipenak ez direla ordaindu, ordaindutako zenbatekoa itzultzeko eskatuko da, dagozkion interesekin.

11.4. Onuradunak fakturak Enplegu, Merkataritza eta Turismo Sustapenaren zerbitzuan 2025eko apirilaren 4ra arteko epean, egun hori barne, ordaindu izana justifikatu ondoren ordainduko du Arabako Foru Aldundiak dirulaguntzaren justifikatutako zenbatekoa. Formatu hauetako edozeinetan aurkeztu ahal izango da fakturak ordaindu izanaren justifikazioa:

– Banka elektronikoaren bidez egindako banku laburpenak edota transferentzia aginduak, zehaztuta dutenak ordainketaren ordaintzailea eta onuraduna, zenbatekoa eta data.

– Tiketak (faktura erraztuak), baldin eta Fakturazio Araubidearen 7. artikulua 2. eta 3. apartatuetan xedatutakoaren arabera egin badira (maiatzaren 28ko 18/2013 Foru Dekretua), hau da: ordaindu beharreko kopurua ordaindu dela frogatzen duten faktura erraztu kualifikatuak, hartzailearen IFZ eta helbidea adierazten dutenak, bai eta esleitutako zerga kuota bereizita ere, eta diruz lagundutako jarduna zehazten dutenak eta tiketa jaulkita dagokion zenbatekoa ordaindu dela adierazten dutenak.

– Eskurako ordainketen kasuan, frogagiritzat hartuko da fakturaren erakunde jaulkitzailearen ziurtagiri sinatua edota zigilatua, zeinetan faktura zenbakia, zenbatekoa eta ordainketa data agertu beharko baitira, betiere zenbateko hori eskudiruzko ordainketei buruz indarrean dagoen 2024ko araudian ezartzen den zenbatekoa edo handiagoa ez bada.

11.5. Ez da onartuko eskudirutan ordaintzea 2024rako indarreko araudian ezartzen den zenbatekoa edo hortik gorakoa, edo haren kontrabalioa atzerriko dirutan.

Aurreko paragrafoan adierazitako zenbatekoa kalkulatzeko, baldin eta ondasun ematea edo zerbitzua zatikatu bada, eragiketa edo ordainketa guztien zenbatekoak batuko dira.

11.6. Ordainketak arinago egin daitezten, agiriak kasu bakoitzerako ezarritako epemuga baino lehen aurkeztu ahal izango dira.

11.7. Justifikatutako gastuak, guztira, diruz lagundu daitezkeen aurrekontua adinakoak izan beharko dira, gutxienez. Diruz lagundu daitezkeen aurrekontu horretara iritsi ezean, dirulaguntza proportzian murriztuko da, eta dagokion kopurua baliogabetuko da.

11.8. Diruz lagundu daitezkeen aurrekontuari hasieran onartu zaion muga oinarri hartuta, aldaketak onartu ahal izango dira diruz lagundu daitezkeen kontzeptu eta zenbatekoetan, nahiz eta diruz lagundu daitezkeen kontzeptuetakoren bat gauzatu gabe gelditu. Desbideratze horiek Enplegu, Merkataritza eta Turismo Sustapenaren zerbitzuaren oniritzia beharko dute, salbu eta funtsezko aldaketak egiten badira, halakoei Enplegu, Merkataritza eta Turismo Sustapenaren zuzendaritzak eman beharko baitie oniritzia.

11.9. Baldin eta 6.2. artikuluan ezarritako dirulaguntza muga aplikatu bada, onargarria izango da diruz laguntzeko den gastuan murrizketak egitea, esleitutako dirulaguntza aldatu gabe; alabaina, beharrezkoa izango da dirulaguntzaren xedea betetzea, eta errespetatzea diruz lagundutako gastuaren gutxieneko zenbateko justifikatu beharrezkoa, alegia, operazio honen emaitza: esleitutako dirulaguntzaren gehieneko zenbatekoa zati aplikatutako dirulaguntza ehuneko.

11.10. Epe horiek igaro eta dirulaguntza ordaintzeko betebeharra onartzeko zein dirulaguntza ordaintzeko aurkeztu beharreko agiriak aurkeztu ez badira, edo aurkeztu beharreko gutzia aurkeztu ez bada, dirulaguntza gutxitu edo baliogabe utziko da, kasu bakoitzari dagokionaren arabera.

12. artikulua. Dirulaguntzen bateragarritasuna

12.1. Oinarri arautzaile orokorrak onetsi zituen Foru Gobernu Kontseiluaren azaroaren 12ko 49/2019 Foru Dekretuak hamahirugarren oinarrian ezartzen duena aplikatuko da. Gainera, jarduketek jaso ditzaketen gainerako laguntzak, edozein izanda ere laguntza mota eta hura ematen duen organoa edo administrazioa, bateragarriak izango dira foru agindu honetako laguntzekin, baldin eta, bai osotara, bai diruz lagundutako jarduera bakoitzean, laguntzen baturak ez badu gaitzen diruz lagundutako jardueraren kostua.

12.2. Dirulaguntza eskaera aurkeztu eta gero beste laguntzaren bat lortzen bada, ahalik eta lasterren eman beharko zaio horren berri, idatziz, Enplegu, Merkataritza eta Turismo Sustapenaren zuzendaritzari, zeinak eskatutako laguntza murriztea edo ukatzea proposa baitezake.

12.3. Laguntzen deialdi honek bete egingo ditu Europako Batzordearen unean uneko erregelamendu indardunetan ezarritako "minimis" arauak. Horretarako, Europar Batasunaren Funtzionamenduari buruzko Tratatuaren 107. eta 108. artikulua minimis laguntzei aplikatzeari buruzko Europako Batzordearen abenduaren 18ko 1407/2013 (EB) Erregelamenduak 3.2 artikuluan adierazten du estatu kide batek enpresa bakar bati emandako minimis laguntzen guztizko zenbatekoa ezin dela izan 200.000,00 euro baino handiagoa hiru ekitaldi fiskaleko edozein alditan.

13. artikulua. Eskaerak egokitzea

Foru agindu honetan araututako dirulaguntza deialdian parte hartzerik ez duten hirugarren pertsonen jarduketak –dela foru agindu honetan ezarritako baldintzaren bat betetzen ez dutelako, dela diruz laguntzea nahi den kontzeptuak diruz lagundu ezin direlako edo Enplegu, Merkataritza eta Turismo Sustapenaren zerbitzuaren iritziz proiektu horiek Enplegu, Merkataritza eta Turismo Sustapenaren Zuzendaritzak aurten kudeatutako beste laguntza lerro batzuei hobeto egokitzen zaizkielako eta horrelakoren bat eskuratu ahal dutelako– dagokien laguntza lerrora eraman ahal izango dira ofizioz.

14. artikulua. Azken klausula

Foru agindu honetan ezarritako prozedura Foru Gobernu Kontseiluaren azaroaren 12ko 49/2019 Foru Dekretuaren bidez onetsitako oinarri arautzaile orokorretan ezarritakoaren mende dago, bai eta honako hauek dirulaguntzei buruz xedatzen dutenaren mende ere: Arabako Lurralde Historikoko Dirulaguntzen urriaren 19ko 11/2016 Foru Araua; Dirulaguntzen azaroaren 17ko 38/2003 Lege Orokorra; uztailaren 21eko 887/2006 Errege Dekretua, zeinak Dirulaguntzen azaroaren 17ko 38/2003 Lege Orokorraren araudia onesten baitu, eta dirulaguntzei buruzko geroko xedapen guztiak.

ERANSKINA/ADDENDA

JARDUERA ACTUACIÓN	GEHIENKO DIRULAGUNTZA (EURO) SUBVENCIÓN MÁXIMA (EUROS)
— Prestakuntza ikastaroetan parte hartzea Participación en cursos de formación • Matrikularen kostua eta material didaktikoa Coste de matrícula y material didáctico	1.000,00
— Web orriak ezartzeko eta eguneratzeko kostua Implantación y actualización de páginas web	2.000,00
— Promoziorako materialak lantzea eta editatzea Edición y elaboración de materiales de promoción	2.000,00
— Produktuen etiketak eta tailerren identifikazio-plakak diseinatzea eta inprimatzea Diseño e impresión del etiquetado de los productos y de las placas identificativas de los talleres	500,00
— Azoketan parte hartzea Participación en ferias	2.500,00